

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacrae Regiae Majestatis
Borussicae Magni Cancellarii, A Consiliis Sanctioribus
Status Et Rei Bellicae, Ordinis Nigrae Aquilae Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiae, 1766

LIB. XLVIII. TIT. XIII. Ad L. Jul. Peculatus, Et De Sacrilegiis, Et De Residuis.

urn:nbn:de:gbv:45:1-9050

Laut. pag. 760. verb. & dolus malus &c. **A**FFIRMATUR; quia præcise requiritur, ut dolo malo falsum fiat, *L. 1. pr. L. 2. ff. L. 30. C. h.* Unde ignoscitur ei, qui per errorem falsum instrumentum protulit, *L. 3. h.* uti si in hæreditate illud invenit, *L. 1. §. 12. eod.*

Atque hic error præsumitur, *d. l. 31. h. ibi: quod plerumque evenit.* Unde Judex, qui in protocollo errorem committit, non statim tenetur falsi; forte enim vel non recte audivit, vel sensum loquentis non recte assecutus est: juramento igitur se purgare tenetur, non ex Lege Cornelia puniri. Dolus enim manifestissime probandus est, *L. 6. C. de Dol. mal. L. 19. §. 1. de Prob.*

LIB. XLVIII. TIT. XIII.

AD L. JUL. PECULATUS, ET DE SACRILEGIIS, ET DE RESIDUIS.

Qv. I. *An crimen peculatus obtineat in rebus mobilibus ipsius reipublicæ, an etiam in rebus civitatum?*

Laut. pag. 703. verb. quod Trajanum. **A**FFIRMATUR, *L. 4. in f. h.* ibi: *si de re civitatis aliquid subripiatur &c. peculatus crimen committi, & hoc jure utimur.*

OBST. *L. 81. de Furt.* ubi directo contrarium dicitur, scil. subripiantem non ex crimine peculatus, sed actione furti teneri.

RESP. Initio Lex Julia tantum de re reipublicæ disponebat, & de eo tempore loquitur Papinianus *d. l. 81.* Sed postea Hadrianus expendit illud crimen etiam ad res civitatis, *d. l. 4. in f. h.*

Qv. II. *An sacrilegium committatur, si pecunia privata surripitur ex loco sacro?*

Laut. pag. 703. verb. non etiam. **A**FFIRMATUR, *L. 16. §. 4. de Pæn.* ibi: *locus facit, ut idem vel furtum, vel sacrilegium sit,*

OBST. *L. 5. h. t.* ubi res privatorum depositæ in loco sacro, & furtivæ non vindicantur tanquam sacrilegium, sed tanquam furtum.

RESP. Exceptionem hic esse in rebus depositis, nam cum in his ecclesia nullum jus habeat, & ecclesiæ nihil auferatur, non potest sacrilegium dici. *Vid. Cuj. 13. O. 19.*

Qv. III. *Quænam sit pœna residui?*

Laut. pag. 704. verb. pœna hujus &c. **R**ESP. Jure civili est pœna infamiæ. *L. 7. de Publ. jud. & tertia pars ejus pecuniæ fisco debetur, L. 4. §. 5. h.*

Hodie gravior obtinet. In *Marchia* an. 1683. d. 22. Jan. Edicto publico cautum est, ut si infra 50, thaleros residua sunt, ultra sim-



simplum restituat duplum intra sex septimanas, a tempore, quo convictus est, aut relegetur ad sex annos: si partem restituit, pro rata imminuitur tempus pœnæ.

Si ultra 50. usque ad 100. residua sint, facta restitutione tripli, ut dictum, ad operas publicas per tres annos condemnatur; Si ultra 200. non facta restitutione tripli, ut ante, pœna gladii. In *Saxonia*, si summam 100. florenorum dolo subtrahit, suspendio punitur, *Const. Elect. P. 4. c. 41. Carpz. P. 2. q. 85. per tot. nisi surreptam restituat. Vid. Dn. Berg. Resol. Leg. h. pag 731. Add. Phil. Us. Pr. Inst. L. 4. Ecl. 96. n. 7.*

LIB. XLVIII. TIT. XVI.

AD SCTUM TURPILIANUM, ET DE ABOLITIONE CRIMINUM.

Qv. I. *An transigens de crimine incidat in Sctum Turpilianum?*

NEGATUR. *Vid. supr. L. 2. tit. 15. qu. 8.*

Qv. II. *Quomodo differant aggratiatio seu abolitio Principis, & restitutio reorum ex gratia?*

RESP. *Abolitio dicitur, cum ipsum crimen ante sententiam vel confessionem aboletur, tot. tit. C. de Abol. gener. Restitutio gratiae vero fit, si quis sententiam passus, vel confessione propria convictus fuit, tot. tit. ff. & C. de Sentent. pass. & restitutis. Illa totum tollit processum, pœna omnis remittitur, ac mutatio status impeditur, (nisi tertio interim jus quæsitum sit, quod Princeps abolitione sua auferre nequit. Vid. infr. L. 48. tit. 23. qu. 1.) Haec non rescindit actus præteritos, sed valet tantum a tempore restitutionis, & effectum saltem habet ratione futuri, d. qu. 1. Illa omnia in eodem statu relinquit, ac nihil mutat; Haec nova est gratia, unde, si in Collegio fuit, & restituitur, ultimum locum occupat &c. d. q. 1.*

LIB. XLVIII. TIT. XVII.

DE REQUIRENDIS VEL ABSENTIBUS DAMNANDIS.

Qv. I. *An & quomodo contra reos absentes procedi possit?*

Vid. *supr. tit. de Accus. qu. 4. & 5. & tit. Ad. L. Jul. de adult. qu. 10.*
De